

Месяца октября в 10-й день
Святителя Иннокентия, епископа Пензенского и Саратовского

На велицей вечерни

На Господи, воззвах: стихиры, глас 1.

Подобен: Начало ныне положим:

Ныне время наста, о празднолюбцы,/ во псалмех и пениих прославити/ Бога, дивнаго во святых Своих,/ воздвигшаго нам днесь Иннокентия преславнаго,/ молящагося тепле о душах наших.

Песненными добродатами/ украшается днесь Церковь первородных,/ воспевающи невинности тезоименитаго,/ святителя Пензенского и Саратовского,/ яко предивна своего ходатая/ и молитвенника о душах наших.

Троицы Пребезначальная служителя предобра/ и лжемудрствований посрамителя изрядна/ память ныне нам наста./ Темже убо стецемся, людие,/ похвалити сего тщающиеся,/ яко велика земли нашей светильника/ и молитвенника о душах наших.

Ины стихиры, глас 4:

Сияет, яко солнце, светlostию/ память святителя Твоего, Господи, Иннокентия,/ обличившаго нечество златословесными глаголы,/ человекоугодие и высоковыйных превозношение посрамившаго,/ кротких землю достигшаго,/ егоже молитвами даруй нам грехов очищение,/ яко Благ и Человеколюбец.

Врачуеши страсти и души просвещаеши верных,/ притекающих ко святей раце мощей твоих,/ ангелов собеседниче, архиереев сопрестольниче,/ апостолов единонравне, исповедников равностоятелю,/ преподобных сожителю, благоверия поборниче,/ предстателю наш, славне Иннокентие.

Многим воздержанием, святителю, жизнь твою украсив,/ путь, ведущий в жизнь вечную, указал еси/ и евангельским учением шествовал еси,/ жестоким же житием плоть твою изнуряя,/ гордаго змия воздержанием победил еси./ Темже, на Небесех водворяся,/ Богови предстоиши, святе Иннокентие,/ Егоже моли согрешений оставление даровати/ чтущим любовию святую память твою.

Слава, глас тойже:

Радуйся и веселися о Господе/ богоизбранная паство святителя,/ ныне песньми венчаемаго,/ яко, таковаго светильника и отца себе имущи,/ духовная чада нарекостесь,/ егоже прослави Бог знаменьми и чудесы преславными,/ обильно исцеления приходящим к нему дарующа./ Темже, припадающе, ему возопиим:/ о, всеблаженне Иннокентие, отче наш,/ непрестанно моли Всесвятую Троицу,/ да Небеснаго Царствия улучити сподобимся.

И ныне, Богородичен: Иже Тебе ради:

Вход. Прокимен дне. И чтения три святительская.

На литии стихира, глас 4:

Суетная мудрования отложше, блаженне,/ Православия держатися неотступно научал еси/ и, стеснения скорбная претерпевая,/ восприятие будущия радости провидел еси,/ да многотрудным житием и ученьми/ источник приснотекущий небесныя сладости/ нам, недостойным, покажеши.

Слава, глас тойже:

Вся убо могий о укрепляющем тя Христе,/ болезни и немощи смиренно претерпевая,/ на Бога все упование возложил еси,/ мирскаго же пристрастия гнушаяся/ и сущая мира, яко не сущая, вменяя,/ чистым умом и немятежным сердцем выну Богу послужил еси,/ темже, сосуд Святаго Духа явився,/ моли, святителю Иннокентие, помиловатися душам нашим.

И ныне, Богородичен:

Несть душам нашим ослабы, ниже избавления,/ токмо молитвами Твоими, Мати Дево,/ и милостию от Тебе Воплощающагося Спаса Христа,/ к Нему же взываем,/ на ходатайство Твое надежду крепку имуще,/ да спасет и сохранит всех нас,/ песньми Тя, яко Богородицу, величающих.

На стиховне стихиры, глас 1:

О, блаженне святителю Иннокентие,/ егда суемудренний восташа на Церковь Божию,/ мечем обоюдоострым учения истиннаго сих посекл еси,/ верныя же щитом правоверия оградил еси,/ сего ради поношения претерпел еси,/ да земли Русской явишися/ новое и преславное украшение.

Стих: Нога моя ста на правоте,/ в церквах благословлю Тя,
Господи.

О, пречудне отче Иннокентие,/ ныне Церковь Русская
ублажает тя,/ яко тверда исповедника веры,/ чудес обильных
реку источающаго,/ и святителя всечестна,/ паству твою добрे
упасшаго,/ мы же, земнороднии,/ яко чада ко отцу, тебе вопием,/
еже помиловатися нам в День судный.

Стих: Суди ми, Господи,/ яко аз незлобою мою ходих.

О, славне Иннокентие,/ егда скорбныя нахождения во
смирении претерпел еси,/ тогда глас Господень пресладкий на
тебе исполнися,/ яко изгнаний правды ради блажени суть,/ сего
ради, венцем нетленным украсився,/ дерзновение велие от
Владыки принял еси,/ еже молитися о душах наших.

Слава, глас 8:

Земля Русская, духовно процветши,/ яко крин прекрасный
износит днесъ/ святителя пречудна Иннокентия,/ иже
молитвами своими облагоухавый ю,/ явися нам великий
заступник/ и ходатай о душах наших.

И ныне, Богородичен, глас тойже: Безневестная Дево:

Тропарь, глас 5:

От юности смиренным нареченный,/ во иночестве же
чистоте тезоименний,/ духовныя мудrostи любитель явился
еси,/ златовещанный благочестия учителю/ и лживых пагубных
учений обличителю,/ за Истину нечестивыми гонимый,/
незлобие и кротость проповедавый/ и паству Пензенскую

ревностне пасый,/ святителю всечестне Иннокентие,/ моли Христа Бога умудрити нас во спасение.

На утрени

На Бог Господь: тропарь святаго дважды. Слава, и ныне, Богородичен.

По 1-м стихословии седален, глас 3:

Человецы ликовствуют духовно, обретоша бо молитвенника и представеля и, похвальными венцы Иннокентия украшающе, яко угодника Христова прославляют. Егоже молитвами, Господи, от страстей и бед избави нас.

Слава, и ныне, Богородичен:

Избави нас молитвами Твоими, Владычице, согрешений бездны, демонского озлобления, языческого пленаия и злонравных лукавнейшаго вреда, да Тя, яко Избавительницу нашу, величаем.

По 2-м стихословии седален, глас 4:

Страдания за истину подъем, святителю, теми душу твою очистил еси, ныне же Христа Бога моли, да в доброделании нас укрепит, грехов очищение подаст и спасет души наша.

Слава, и ныне, Богородичен:

Настави ны на путь покаяния, уклоняющияся присно в безпутье зол и Преблагаго прогневавшия Господа, Неискусобранная Благословенная Марие, Заступнице Усердная рода христианского.

По полиелеи седален, глас 2:

**Отребие миру, погружающему в пучине лжеучения, вменился
еси, святе Иннокентие, но обаче не возможе тя разлучити от
любве Божия, яже о Христе Иисусе, Господе нашем, ни скорбь,
ни теснота, ни самая смерть.**

Слава, и ныне, Богородичен:

**Востани, Пречистая Мати, и воздежи руце Твои молебне к
Сыну Твоему и Богу купно со святителем Иннокентием, да
избудем многих бед и зол, присно по грехом нашим
обуреваемии.**

**Степенна, 1-й антифон 4-го гласа. Прокимен, глас 4:
Священницы Твои облекутся в правду/ и преподобнии Твои
воздадутся. Стих: Блажен муж, боящийся Господа, в заповедех
Его восходит зело. Всякое дыхание: Евангелие от Луки, начало
64.**

По 50-м псалме стихира, глас 6:

**Святителю отче Иннокентие,/ тобою мнози грады и
обители хвалятся,/ Московский бо земли славное прозябение
явился еси,/ град же святаго Петра и Новаграда честная обитель
Юрьевская/ постническими подвиги твоими украшаются,/ земля
Пензенская и пределы Саратовский/ процветоша, словесы
твоими напаяеми,/ ныне же, во Граде Небесном вселяся,/ поминай нас, чтущих память твою.**

**Канон, глас 2, егоже краегранесие: Нищету духовную
стяжати сподоби, отче.**

Песнь 1

Ирмос: Грядите, людие,/ поим песнь Христу Богу,/
раздельшему море и наставльшему люди,/ яже изведе из
работы египетския,/ яко прославися.

Небесный Царю, смиренную душу мою от скверн очисти
и слова благодать низпосли, да возмогу достойно воспети
угодника Твоего, преславного Иннокентия.

Имуще тя предстателя добра к щедрому Богу, нас,
напастьми и обстоянии скорбными одержимых, укрепи, подая
руку спасения, святителю милостиве Иннокентие.

Щедр и незлобив пастве своей явился еси, отче
Иннокентие, темже, Духа Божия исполненный, ума моего
омрачение отжени, страстей бурю утиши, к безстрастия
пристанищу управи и от злых устен защити твоих молитв
покровом.

Богородичен: Егда Божиим повелением от временных
жизни отъити хощу, Пречистая, бесовских руки мя свободи,
Ангелы в спутники подаждь и рая вкусити сподоби, идеже
Иннокентий святитель с безплотными лики сладости
божественные наслаждается.

Песнь 3

Ирмос: На камени мя веры утвердив,/ разширил еси уста
моя на враги мои,/ возвесели бо ся дух мой, внегда пети:/ несть
свят, якоже Бог наш,/ и несть праведен, паче Тебе, Господи.

Припев: Святителю отче Иннокентие, моли Бога о нас.

Тя, смиренне Иннокентие, всесветла светильника, не под спудом, но на высоте свещника Церкве Христовы поставлена, усердно молим: светоносными лучами глубокую тьму греха отжени, неверных к познанию Истины настави, шатания умов низложи, нас же во Православии укрепи.

Уставил еси, премудре Иннокентие, струями твоего богочестиваго языка ложныя токи суемудренных, иже, яко безсильни, не возмогоша мутными водами лжеучения потопити ны. Темже вопием ти: токи страстей наших изсуши и ко благочестию настави.

Духа Божия исполнився, зловония века сего низложил еси, кадильнице благовонная, Иннокентие блаженне, и паству твою учением Православныя Церкве облагоухал еси. Темже тя, яко наставника предобра, верно восхваляем.

Богородичен: Упование и стена и тихое пристанище еси людем Твоим, Пресвятая Дево, Всесвятаго Сына Твоего умоли спасение нам улучити, да непрестанно в невечернем свете славу Триединому Богу воспеваем.

Ин кондак, глас 3.

Подобен: Дева днесъ:

Днесъ святитель Христов Иннокентий/ предстоит Престолу Божию/ и с лики святых за ны молится Богу,/ ему же ныне со умилением покланяемся/ и во псалмех и пениих величаем,/ обретохом бо молитвенника ко Превечному Богу.

Седален, глас 3:

О, неизреченныея благости Божия! О, неизглаголанного Его смотрения! Честныя мощи святителя Иннокентия ныне обретошася, души верных утешающе и на брань противу козней лукаваго укрепляюще. К нимже припадающе, усердно вопием: ущедри нас молитвами твоими, святителю Бога Всесхераго.

Слава, и ныне, Богородичен:

Иже Отцу Сопрестольный Сын на земли воплощся, яко человек, из утробы Твоей, Чистая, пройде, порфирою кровей Твоих в наше оболкийся естество, да падшия ны люди возставит и Небеснаго Сиона гражданы явит.

Песнь 4

Ирмос: Услышах, Господи,/ славное Твое смотрение/ и прославих, Человеколюбче,/ непостижимую Твою силу.

Храм Всесвятаго Духа, добродетельми сияй, мирии явился еси, святителю честный, научение книжное прилежно стяжав, тайны неизреченныея судеб Божиих постигл еси, и списанием дел времен минувших верныя премудро во благочестии даже доныне наставляеши, да зовем благодарне: слава силе Твоей, Господи.

Оружием мудрости божественныея препрел еси нечестивых, исповедниче честный. Поношения и гонения за истину благодушне претерпевая, земную мудрость нивочто же вменяя, непрестанно взывал еси: слава силе Твоей, Господи.

В Небесныя чертоги Ангели Божии вознесоша чистую душу твою, блаженне, идже со святители и исповедники

Престолу Всевышняго предстоиши, укрепльшему тя на подвиги велия, непрестанно взывая: слава силе Твоей, Господи.

Богородичен: Недвижимое утверждение веры и яко многоценный дар душам нашим, Богородицу во псалмех и пениях духовных восхвалим, вернии, да избавит от мук вопиющих к Рождшемуся из Нея: слава силе Твоей, Господи.

Песнь 5

Ирмос: *Света Подателю и веков Творче, Господи,/ во свете Твоих повелений настави нас:/ разве бо Тебе, иного бога не знаем.*

Укрепляемъ силою Троическою, преблаженне, проповедник велегласный пастве Саратовской явился еси, вопия: возвеличите Господа со мною, и вознесем Имя Его вкупе. Темже и мы Владыку Небесе и земли величаем: иного бо разве Тебе бога не знаем.

Юность свою постом и молитвою благоукрасил еси, мудре, и священства благодать непорочно стяжати сподобился еси. И ныне, Престолу Вседержителя предстоя, молися, славне Иннокентие, да от языка лукаваго и озлобления свободимся и огня вечнаго избавимся.

Святителей удобрение и исповедников похвало, чудес источниче, умоли Зиждителя, Егоже пришествие при дверех есть, обрести нам грехов оставление.

Твоих словес наставления, еже Православие в чистоте всем содержати, чужеземным же лжеучением никакоже

прилеплятися, объяша всю землю Русскую, ты бо Вышнему выну взывал еси: иного бо разве Тебе бога не знаем.

Богородичен: Яже мирови мир подавшая и Начальника тишины рождшая, укроти волнение страстей моих, Чистая, и на камени безстрастия мя утверди, Сыну Твоемузывающа: иного бо разве Тебе бога не знаем.

Песнь 6

Ирмос: *Ко Господу от кита Иона возопи:/ Ты мя возведи из глубины ада, молюся,/ да, яко Избавителю, во гласе хваления/ истины же Духом пожсру Тебе.*

Житием твоим, а не токмо лицом, святителю Димитрию Ростовскому подобяся, душу твою, блаженне, яко рай богонасажденный, сотворил еси; безумний же, яко сор, отринуша тя, не терпяще силы словес твоих. Темже, отче, и нас темных падений греховных избави.

Архиерей чуден и нравов исправитель и душ устроитель показался еси, ревностне о людех твоих пекийся, мирским же начальником противустал еси, злковарство и лихоимство тех обличая, святе Иннокентие.

Туне есть тщание наше достойное пение тебе соторити, Иннокентие предивне, но, яко Христос прият вдовицы две лепте, тако и ты не возгнушайся похвальных словес наших и малый сей труд приими, в похвалу тебе приносимый.

Богородичен: Избавльшеся Тобою от бед и скорбей, Мати Безневестная, и Тебе ради радость получивше, Тя, яко Подательнику благую и Заступнику верную, вси величаем.

Кондак, глас 8:

Священного и боговещанного проповедника/ и дивного премудрости учителя/ вчинил еси, Господи, в наслаждение благих Твоих и покой,/ труды бо онаго и блаженную кончину/ паче всякаго всеплодия прием,/ едине Прославляй святыя Своя.

Икос:

Житие непорочное явил еси, святителю Иннокентию, невинности тезоименныи, и, веры ради скорбных нахождения претерпев, чистою душею к Престолу Господню притекл еси, прехвальне. Ныне же, райских пищи наслаждаяся, о иже на земли поющих тя Владыку Христа умоли, знаменьми и чудесы Прославляющаго святыя Своя.

Песнь 7

Ирмос: Образу златому, на поли Деире служисму,/ трие Твои отроцы небрегоша безбожнаго веления,/ посреде же огня ввержени, орошаеми, пояху:/ благословен еси, Боже отец наших.

Скорбная искушения и лютая обстояния смирением попрал еси, тех и нас молитвами твоими избави, блаженне, вопиющих: благословен еси, Боже отец наших.

Пение псаломское воспеша людие, и при словесех: аз же, Господи, уповаю на Тя, душа твоя святая от тела разлучися. Нас же, на всемошныя молитвы твоя надеющихся, утверди непрестанно взывать: благословен еси, Боже отец наших.

О нас милостивныя твоя длани ко Владыце молебне простирай, святе Иннокентие, и, соблазнов избавляя, неотлучно с нами духом пребывай, отче преподобне, наставляя в молитве звати Творцу: благословен еси, Боже отец наших.

Богородичен: Да человеки падшия обожит, явися Сын Твой, Владычице, совершен Человек. Сего убо моли причастники Божества сотворити поющия: благословен еси, Боже отец наших.

Песнь 8

Ирмос: В пе щь огненную ко отроком еврейским снизшедшаго/ и пламень в росу преложшаго Бога/ пойте, дела, яко Господа,/ и превозносите во вся веки.

О всеславнем прославлении твоем, святителю, людие Русстии возвеселишася, явился бо еси чудотворец изящный и ходатай пред Богом предивный, Того умоляя о вопиющих: пойте, дела, яко Господа, и превозносите во вся веки.

Божиим Промыслом сохранены быша от поругания святыя мощи твоя, святителю Иннокентие, аще и храм, идеже погребено бысть тело твое, от безбожных разорися. Ныне же целы явишася и, яко звезда пресветлая, просвещают всех

притекающих к ним и Богу зовущих: пойте, дела, яко Господа, и превозносите во вся веки.

Избави нас, святителю Христов, сетей вражиих молитвами твоими и окорми живот наш силою Всеследраго Бога, Ему же с тобою покланяемся, велегласно вопиюще: да благословит тварь вся Господа и превозносит во вся веки.

Богородичен: Отеческия славы не отступль, волею к нашей худости снизшел еси, Сладчайший Иисусе, и от Девы плоть принял еси. Еяже молитвами избави рабы Твоя от бед и скорбей.

Песнь 9

Ирмос: *Безначальна Родителя Сын, Бог и Господь,/ волоцься от Девы, нам явися,/ омраченная просветити, собрати расточенная./ Тем Всепетую Богородицу величаем.*

Тело твое честное, священне Иннокентие, с верою приступающим исцеления источает, страстей различных тьму отгоняет и светом невечерним просвещает всех, хвалящих тя.

Чистоту ума стяжав, Духа Святаго жилище был еси, богоблаженне, благодать же святительства прием, проповедник изящный и учитель искусный показался еси, научая люди православно исповедати в Троице Единаго Бога.

Едине Блаже, Христе Многомилостиве, в молитву Тебе ныне приводим угодника Твоего Иннокентия. Не презри ходатайства его грех наших ради, но помилуй нас, верою

взывающих: заступничеством святителя нашего, Господи, помилуй нас.

Троичен: Тебе неприступному Богу и Славы Царю Трисолнечному, Строителю и Промыслителю всяческих, Единому Благому и Сущему, Божества державу имущему, песнь Трисвятую воспевающе, покланяемся присно и непрестанно величаем.

Богородичен: Отроковице Всенепорочная, Мати, Дево Пречистая, Сына и Бога Твоего милостища сотвори нам и страстей лютых избави.

Светилен:

Веселится ныне земля Саратовская, людие же Пензенстии тебе покланяются и Христа величают, обретоша бо великое сокровище.

Слава, и ныне, Богородичен:

Владычице Всемилостивая, просвещение помраченных душ наших, Свет истинный миру рождшая, со святителем пречудным Иннокентием Сына Твоего и Бога умоли о всех нас.

На хвалитех стихиры, глас 4:

Жительство наше есть на Небесех,/ сице божественный Павел рече,/ ты же, святе Иннокентие,/ весь ум твой к Горним возвысив,/ прекрасного онаго рая, еще в телеси сый, вкусити сподобился еси./ Темже ныне, с Горними лики водворяся,/ нас, еще долу сущих,/ молитвами твоими присно ограждай.

Сила Божия в немощи совершается,/ тако глаголет Господь,/ ныне зrim слов сих на тебе преславное сбытие,/ яко немощен плотию,/ Духа усердный ратоборец показался еси,/ лжеименных учений усердный обличитель и доблестный отгнатель./ Испроси и нам, отче Иннокентие,/ от Подвигоположника Христа мужества дар,/ во еже противостати духу мира сего,/ и молитвами твоими нас присно ограждай.

Ины стихиры, глас 2.

Подобен: Егда от Древа:

Егда душа твоя разлучащеся/ от тленного сего жития,/ тогда псалмопевца слышати сладчайший глас,/ еже упование твое на Господа есть,/ сподобился еси, предивне Иннокентие./ Ныне же, в раи сладости вчиняся,/ уже не в сениих и гаданиих,/ но лицем к лицу зриши Господа/ и прославляеши Святую Троицу.

Егда страдания за истину претерпевал еси,/ тогда во отребие и уметы себе самаго вменил еси,/ святителю смиренне, отче Иннокентие,/ Бог же, зряй вся тайная,/ на свещнице святительства тебе устави/ и венец нетленный тебе подаде./ Днесъ же, небесными и земными гласы ублажаемъ,/ Господеви помолися, исповедниче,/ от всяких лютых нам избавитися.

Слава, глас 5:

Единому токмо Богу нашему/ всякую славу, честь и поклонение/ в дусе и истине приносити верно подобает,/ тако от Церкве Божия научены есмы,/ но, яко подобие Его в себе

возрастившия,/ да почтутся от нас святии Его,/ яко приснii
Божиии друзи и доблии венечницы,/ в ихже сонме, яко
пресветлая звезда,/ Иннокентий святитель нам возсия./ Мы же к
нему днесъ тепле вопием:/ яко дерзновение стяжавый ко Спасу
нашему,/ от всяких лютых молитвами твоими нас ограждай.

И ныне, Богородичен:

Земля Русская,/ дом Пречистыя Богородицы от лет
древних нареченная,/ многия милости Ея улучи,/ темже и мы с
верою и упованием сице вопием:/ не престай заступати нас,
Царице и Владычице,/ пучины греховныя избавляющи/ и
спасение душам нашим подающи.

Славословие великое, ектении и отпуст.

На Литургии

Блаженна от канона, песни 3-я и 6-я. Прокимен, глас 1:
Уста моя возлаголют премудрость,/ и поучение сердца моего
разум. **Стих:** Услышите сия, вси языцы,/ внушиите, вси живущии
по вселенней. **Апостол ко Ефесеем, начало 233. Аллилуиа, глас**
4: Уста праведнаго поучатся премудрости. **Стих:** Язык его
возлаголет суд. **Евангелие от Иоанна, начало 36. Причастен:** В
память вечную будет праведник:

Молитва

О, угодниче Божий, святителю Христов Иннокентие!
Призри от славы твоей Горния и приими молитвы нас, грешных
и недостойных рабов твоих, где пред образом твоим честным
[или святыми мощьми твоими] припадающих и тепле

молящихся, и принеси я ко Престолу вся содерящеаго в руце Своей Бога, Ему же ты во вся дни жизни твоей усердно послужил еси. Моли, угодниче Божий, Всемилостиваго Спаса Христа за богоданную паству твою, отжени от земнаго Отечества твоего вся соблазны, раздоры и нестроения, Церковь Христову и град наш святыми твоими молитвами от расколов, прельщения иноверием и наветов злых человек огради. Всех же нас в единомыслии и любви друг ко другу соедини, да едиными усты и единем сердцем воспоеем всесвятое и единодержавное Имя Отца и Сына и Святаго Духа во веки веков. **Аминь.**